

**Republika e Kosovës**

**Kuvendi i Komunës-Vushtrri**

Bazuar në nenin 12, paragrafi 12.2, shkronja "d" të Ligjit për Vetëqeverisjen Lokale Nr.03/L-040, (Gazeta Zyrtare e Republikës së Kosovës Nr. 28/04 qershor 2008) nenin 7 të Ligjit për Bashkëpunim Ndër komunal Nr. 04/L-010 (Gazeta Zyrtare e Republikës Nr. 7/10 Gusht 2011), nenin 19 paragrafi 1 pika 1.4 të Statutit të Komunës Kuvendi i Komunës në mbledhjen e rregullt të mbajtur më datën **25 janar 2024 të vazhduar me 01 shkurt 2024** merr këtë:

**V E N D I M**  
**PËR MIRATIMIN E NISMËS TË KRYETARIT TË KOMUNËS PËR BASHKËPUNIM**  
**NDËRKOMUNAL**

1. Miratohet nisma e Kryetarit të Komunës së Vushtrrisë 02Nr. 47/24 datë 23.01.2024 për bashkëpunim ndër komunal në mes të Komunës së Vushtrrisë dhe Komunave: Mitrovicë e Jugut, Obiliq, Prishtinë dhe Podujevë, për realizim të projekteve me interes të përbashkët.
2. Sipas pikës 1 të këtij vendimi, miratohet propozim vendimi për financim të përbashkët të studimit të fizibilitetit si dhe hartimit të projektit detaj/zbatues për ndërtimin e rrugës: **Barilevë-Kozaricë-Dumnicë e Epërme-Kunovik-Vesekoc-Kurillovë-Bajgorë.**
3. Autorizohet Kryetari i Komunës së Vushtrrisë që të filloj konsultimet me Kryetarët e Komunave nga pika 1 (një) e këtij vendimi për të përgatitur Draftin e Marrëveshjes për bashkëpunim ndërkomunal për financim të përbashkët të studimit të fizibilitetit dhe hartimit të projektit detaj.
4. Ky Vendim hynë në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.
5. Vendim iu dërgohet : MAPL-së dhe Kryetarëve të Komunave: Prishtinë, Mitrovicë e Jugut, Obiliq dhe Podujevë.

**Melihate Basholli-Latifi**



**Kryesuese e Kuvendit**



REPUBLICA E KOSOVËS - REPUBLIKA KOSOVO  
KOMUNA E VUSHTRRIË-OPŠTINA VUÇITRËN

01 Nr. / Br 13/24

Nr. i fq. / Br. st -1-

Data: / Datum 01.02.2024

VUSHTRRI - VUÇITRËN



**Republika e Kosovës**

**Kuvendi i Komunës-Vushtrri**

Bazuar në nenin 12, paragrafi 12.2, shkronja "d" të Ligjit për Vetëqeverisjen Lokale Nr.03/L-040, nenin 19 paragrafi 1 pika 1.4 të Statutit të Komunës, Kuvendi i Komunës në mbledhjen e rregullt të mbajtur me datën **25 janar 2024 të vazhduar me 01 shkurt 2024**, merr këtë:

**V E N D I M**  
**PËR FINANCIMIN E SHKOLLIMIT**

1. Me këtë vendim, fëmijëve të Enver Zymberit, dhe Afrim Bunjakut, Heronj të Kosovës, iu financohet shkollimi në të gjitha nivelet e arsimit nga buxheti i komunës, subvencione dhe transfere.
2. Mjetet financiare për financim të shkollimit do të jepen në formë të bursave nga buxheti i Drejtorisë për Arsim.
3. Për zbatimin e këtij vendimi do të kujdesen Kryetari i Komunës dhe Drejtoria për Arsim.
4. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

**Melihate Basholli-Latifi**



**Kryesuese e Kuvendit**



REPUBLIKA E KOSOVËS - REPUBLIKA KOSOVO	
KOMUNA E VUSHTRRISË-OPŠTINA VUÇITRAN	
01 Nr. / Br	14 / 24
Nr. i fq. / Br. st	- 1 -
Data: / Datum	01. 02. 2024
VUSHTRRI - VUÇITRAN	



**Republika e Kosovës**

**Kuvendi i Komunës-Vushtrri**

Bazuar në nenin 12, paragrafi 12.2, shkronja “d” të Ligjit për Vetëqeverisjen Lokale Nr.03/L-040, nenin 19 paragrafi 1 pika 1.4 të Statutit të Komunës si dhe nenin 6 të Rregullores KKV nr. 08/20 për Dhënien e Dekoratave me nr. protokollit nr. 209/20 datë 29.10.2020, Kuvendi i Komunës në mbledhjen e rregullt të mbajtur me datën **25 janar 2024 të vazhduar me 01 shkurt 2024** merr këtë:

**V E N D I M**  
**PËR NDARJE TË DEKORATËS “NDERI I QYTETIT”**

1. Në shenjë respekti, për akte të larta sakrifice dhe heroizmi për vendin, me titullin “Nderi i Qytetit” nderohen Heronjtë e Kosovës:

**1.1. Enver Zymberi – (post mortum)**

**1.2. Afrim Bunjaku – (post mortum)**

2. Dekoratat nga pika një e këtij vendimi i dorëzon Kryetari i Komunës familjarit të të dekoruarit.

3. Për zbatimin e këtij vendimi obligohen: Zyra e Kryetarit.

4. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

**Melihate Basholli-Latifi**  
  
**Kryesuese e Kuvendit**





REPubLIKA E KOSOVËS - REPUBLIKA KOSOVO  
KOMUNA E VUSHTRRIË-OPËSTINA VUÇITRN

01 Nr. / Br 15/24

Nr. i fq. / Br. st -1-

Data: / Datum 01. 02. 2024

VUSHTRRI - VUÇITRN



**Republika e Kosovës**

**Kuvendi i Komunës-Vushtrri**

Bazuar në nenin 12, paragrafi 12.2, shkronja "d" të Ligjit për Vetëqeverisjen Lokale Nr.03/L-040, nenin 19 par. 1 nën paragrafi 1.4 të Statutit të Komunës, Kuvendi i Komunës së Vushtrrisë në mbledhjen e rregullt të mbajtur me datën 25 janar 2024 të vazhduar me 01 shkurt 2024, merr këtë:

**V E N D I M**  
**PËR SHFUQIZIM TË VENDIMIT TË KUVENDIT TË KOMUNËS**

1. Me këtë vendim shfuqizohet vendimi i Kuvendit të Komunës 01Nr. 157/23 datë 29.06.2023 për miratimin e Planit Komunal për Integritet për periudhën 2023-2025.
2. Obligohet kryetari i komunës që të merr masat e nevojshme për të miratuar Planin Komunal për Integritet për periudhën 2024-2026.
3. Me hyrjen në fuqi të këtij vendimi pushon të vlej vendimi i Kuvendit të Komunës 01Nr. 157/23 datë 29.06.2023 si dhe Plani Komunal për Integritet 2023-2025.
4. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

**Melihate Basholli-Latifi**



**Kryesuese e Kuvendit**



Republika e Kosovës

REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPËSTINA VUÇITRN	
01 Nr. / Br	16/24
Nr. i fq. / Br. et	- 1 -
Data: / Datum	01.02.2024
VUSHTRRI - VUÇITRN	



Kuvendi i Komunës-Vushtrri

Bazuar në nenin 12, paragrafi 2 shkronja “d” të Ligjit për Vetëqeverisje Lokale Nr.03/L-040, nenit 15 të Udhëzimit Administrativ Nr. 27/2012 MPB – 03/2012 MAPL për Këshillat Komunal për Siguri në Bashkësi, nenin 19, paragrafi 1, pika 1.4 të Statutit të Komunës, Kuvendi i Komunës së Vushtrrisë në mbledhjen e rregullt të mbajtur me datën 25 janar 2024 të vazhduar me 01 shkurt 2024 merr këtë:

### V E N D I M PËR NDRYSHIM DHE PLOTËSIM TË VENDIMIT

1. Me këtë vendim ndryshohet vendimi 01 Nr. 101/23 date.27.04.2023 për themelimin të Këshillit Komunal për Siguri në Bashkësi si vijon:

1.1 Në paragrafin 1, pika 1.3, z. Albanez Tahiraj, caktohet anëtar i KKSB-së kurse z. Dardan Abazi, pushon të jetë anëtar i KKSB-së, sipas nenit 4, pika 1.9 të Udhëzimit Administrativ Nr. 27/2012 MPB – 03/2012 MAPL për Këshillat Komunal për Siguri në Bashkësi.

2. Për zbatimin e këtij vendimi obligohen: Zyra e kryetarit dhe Sekretaria e Kuvendit.

3. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

Melihate Basholli-Latifi  
  
Kryesuese e Kuvendit



REPUBLICA E KOSOVËS - REPUBLIKA KOSOVO  
KOMUNA E VUSHTRRISË-OPŠTINA VUÇITRN

01 Nr. / Br 17/24

Nr. i fq. / Br. st -1-

Data: / Datum 01. 02. 2024

VUSHTRRI - VUÇITRN



**Republika e Kosovës**

**Kuvendi i Komunës-Vushtrri**

Bazuar në nenin 12, paragrafi 12.2, shkronja "d" të Ligjit për Vetëqeverisjen Lokale Nr.03/L-040, nenin 19 paragrafi 1 nënparagrafi 1.4 të Statutit të Komunës, si dhe nenin 5 paragrafi 2 i Rregullores (KKV) Nr. 03/23 për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridike – OJQ-ve dhe Ndihmë Momentale Personave Fizike dhe Bashkëfinancim, si dhe duke marr për bazë kërkesën e MFPT-së për rishqyrtimin e aktit komunal me nr. protokollit 281/2024 e datës 17.01.2024, Kuvendi i Komunës së Vushtrrisë në mbledhjen e rregullt të mbajtur me datën 25 janar 2024 të vazhduar me 01 shkurt 2024, merr këtë:


**V E N D I M**  
**PËR OFRIMIN E MBËSHTETJES FINANCIARE**

1. Me këtë vendim z. Nasuf Aliu, anëtar i Kuvendit të Komunës së Vushtrrisë i ofrohet mbështetje financiare në shumë prej tremijë euro (3000.00 €) për nevoja të shërimit nga një sëmundje serioze që është diagnostikuar kohëve të fundit.
2. Mjetet financiare të cekur në pikën paraprake të këtij vendim do të sigurohen nga buxheti i komunës – kategoria subvencione dhe transfere, **Programi Buxhetor (16024)-zyra e kryetarit.**
3. Për zbatimin e këtij vendimi obligohen: Drejtoria për Buxhet dhe Financa dhe Zyra e Kryetarit të Komunës.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

**Melihate Basholli-Latifi**



**Kryesuese e Kuvendit**



## Republika e Kosovës

## Kuvendi i Komunës-Vushtrri

Bazuar në nenin 12, paragrafi 12.2, shkronja "d" të Ligjit për Vetëqeverisjen Lokale Nr.03/L-040, nenin 5 paragrafi 9 i Rregullores së Qeverisë së Republikës së Kosovës Nr. 02/2013 mbi Kriteret për Krijimin e Ndërmarrjeve Publike Lokale dhe Pjesëmarrjen e Komunave në Bordet e Drejtorëve të Ndërmarrjeve Rajonale të Ujit, nenin 36 paragrafi 1 të Rregullës Financiare të Ministrisë së Financave Nr. 01/2013 Shpenzimi i Parave Publike, nenin 19 paragrafi 1 nën paragrafi 1.4 të Statutit të Komunës, Kuvendi i Komunës së Vushtrrisë në mbledhjen e rregullt të mbajtur më datën **25 janar 2024 të vazhduar me 01 shkurt 2024** merr këtë

### V E N D I M PËR NDARJE TË MJETEVE FINANCIARE NDËRMARRJES PUBLIKE LOKALE "PËRPARIMI" SH.A NË VUSHTRRI

1. Me këtë vendim, ndahen mjete financiare nga buxheti i komunës – subvencione dhe transfere të vitit 2024, në shumë të përgjithshme prej 190,000.00 € (njëqind e nëntëdhjetë mijë euro) në llogari të N.P.L "Përparimi" SH.A. në Vushtrri, mbështetje financiare për blerje të mjeteve të punës.
2. Mjetet në shumën e cekur si në pikën paraprake të këtij vendimi do të sigurohen si vijon:
  - 2.1. Drejtoria e Shërbimeve Publike, kodi i programit 180, nën programi 18184, shuma 40,000.00 € (katërdhjetë mijë euro), kategoria subvencione dhe transfere.
  - 2.2. Drejtoria për Ekonomi Bujqësi Pylltari dhe Zhvillim Rural, kodi i programit 470, nën programi 47024, shuma 98,000.00 (nëntëdhjetë e tetë mijë euro), kategoria subvencione dhe transfere.
  - 2.3. Drejtoria për Kulturë Rini dhe Sport, kodi i programit 850, nën programi 85024, shuma 40,000.00 (katërdhjetë mijë euro), kategoria subvencione dhe transfere.
  - 2.4. Drejtoria për Arsim, kodi i programit 920, nën programi 92120, shuma 12,000.00 € (dymbëdhjetë mijë euro), kategoria subvencione dhe transfere.
2. Kryeshefi Ekzekutiv i NPL. "Përparimi" përmes komisionit të aksionarëve të ndërmarrjes do të paraqes raport periodik dhe vjetor financiar në kuvendin e komunës lidhur me shpenzimin e mjeteve nga pika 1 e këtij vendimi.
3. Për zbatimin e këtij vendimi do të kujdeset Drejtoria për Buxhet dhe Financa, Drejtoria për Shërbime Publike dhe drejtoritë tjera kompetente.
6. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

Melihate Basholli-Latifi

Kryesuese e Kuvendit